

5. Item iidem cives habent et habeant communitatem seu universitatem, archam communem, procuratorem, actorem vel sindicum, sigillum universitatis, campanas communes ad vocandum universitatem predictam, vexilla seu bannerias. Et quod ipsi cives, quociens eis placuerit seu maiori parti ipsius universitatis, possint eligere unum vel plures ad regendum vel ordinandum omnia negocia, que evenient vel accident ipsis civibus vel universitati sue. Et quod ipsi pro sue libito voluntatis possint facere et exigere inter eos absque iudice et iusticia captiones, huanCIAS et taillias et habere communem pecuniam pro suis faciendis negociis, ut melius et utilius sibi viderint expedire, et de predictis uti possint libere nullo iudice impediēte vel aliquatenus reclamante.

6. Item nullus iudex iusticiam exercens inter cives ipsius civitatis in ipsa civitate morantes super rebus ad ipsos pertinentibus in ipsa civitate non potest nec debet iudicare per intellocutoriam seu diffinitivam sententiam, donec cives civitatis predictae super discordia, super qua interloquendum est vel diffiniendum, missi sunt a iudice, coram quo litigatur, pro iure dicendo et debent mitti tribus vicibus ab eodem domino, si ita sit quod missi prima vice ac secunda concordare non possint. Si vero concordaverint, illud debet teneri a partibus absque remedio appellationis a parte qualibet faciente et ipse iudex iudicium ipsorum civium exequi tenetur et curare, quod partes teneant. Et si forte ipsi cives missi ad iudicium ipsa die qua mittuntur iudicare et deliberare non possint vel quod possint vel quod velint plures alios sibi de predictis civibus sociari, cum rectum sit illud iudicium, quod plurimorum sententia confirmatur, possunt ab eodem iudice petere, quod ipsis ipse aliam diem partibus et ipsis, ut ipsum iudicium refferant dicto domino, assignetur^a, quod dominus denegare non potest. Et quando ipsi cives missi ad iudicium tribus vicibus fuerint, si discordent^b, iudicium ipsum ad predictum dominum revertetur, qui fretus bonorum consilio secundum proposita et allegata coram ipso ius suum proferat inter partes. A quo iure si pars altera se sentiat agravata, ad superiorem appellare poterit vel maiorem.

7. Item nullus iudex civitatis predictae nullum quid facere petere potest a civibus predictis seu habitatoribus in eadem civitate ex suo officio vel auctoritate propria vel aliquam inquisitionem descendere, si legitimus non appa-

a) Folgt 'assignat' Tr. b) 'discedant' Tr.